

摘藻堂四庫全書薈要

經部

欽定四庫全書薈要

經部

春秋屬辭卷六



欽定四庫全書薈要卷一千七百

經部

春秋屬辭卷六

元 趙汴 撰

存策書之大體第一之六

主內特相盟內為志書及外為志書會

隱元年三月公及邾儀父盟于蔑

桓元年夏四月丁未公及鄭伯盟于越

文十七年六月癸未公及齊侯盟于穀



以上公及諸侯盟者三周官大司寇凡邦之大盟約  
涖其盟書而登之于天府大史內史司會及六官皆  
受其貳而藏之司盟掌盟載之法凡邦國有疑會同  
則掌其盟約之載及其禮儀汙謂周監二代立法常  
闕盛衰故盟約之禮掌於秋官而不廢春秋之有離  
盟則大司寇之所涖其伯者之盟則假會同之禮而  
為之皆私相要結而不請於王朝亂世之事也隱攝  
位而欲求好於邾故盟桓弑隱而自結於鄭故盟文

公以齊侯見伐使襄仲請受盟皆魯志也穀梁傳曰  
及者內為志焉爾於內特相盟得之凡盟書日者從  
其恒辭也魯與邾有疆場之交以大求小修好息民  
乃事之宜故蔑盟不日以別於穀盟之誦志與他盟  
之非義者凡公及伯主盟於其國及外臣盟及戎盟  
文同義異皆別見

隱六年夏五月辛酉公會齊侯盟于艾

桓十二年冬十一月丙戌公會鄭伯盟于武父 十七

年二月丙午公會邾儀父盟于越

莊十三年冬公會齊侯盟于柯 二十三年十二月甲

寅公會齊侯盟于扈

定十二年冬十月癸亥公會齊侯盟于黃

以上公會諸侯盟者六齊僖方合諸侯以樹黨故隱公會之盟明年又使其弟年來聘以結之則艾盟齊志也宋辭平而公會鄭伯盟以伐宋則武父之盟亦鄭志也邾既來朝又尋蔑盟而公會之盟則越盟邾

志也齊桓結諸侯以圖伯師次于郎而魯不服既會于北杏公始會之盟則柯之盟齊志也公既如齊納幣及齊侯遇穀而又會之盟于扈則扈之盟亦齊志也齊景結魯以叛晉既會于夾谷而公又會之盟則黃盟亦齊志也故皆稱會穀梁傳曰會者外為志焉爾於內特相盟得之凡盟以日不日見義唯魯桓之盟日月皆從其桓辭說見公會下柯盟魯無信特不月以異之扈盟從齊之志始定然離盟非伯主之事

故書日

主內參盟以上皆稱會伯者之盟稱會蒙及會  
言諸侯盟苟無主盟稱及

桓十二年夏六月壬寅公會杞侯莒子盟于曲池 秋  
七月丁亥公會宋公燕人盟于穀丘 十七年春正月  
丙辰公會齊侯紀侯盟于黃

僖二十五年冬十二月癸亥公會衛子莒慶盟于洮  
二十六年春王正月己未公會莒子衛甯速盟于向



昭二十六年秋公會齊侯莒子邾子杞伯盟于鄆陵  
僖二十一年十二月癸丑公會諸侯盟于薄 二十七  
年十二月甲戌公會諸侯盟于宋

以上公會二國盟者五四國盟者一會諸侯盟不序  
者二凡盟自參以上皆稱會彼為盟而我會之也故  
齊侯為鄆陵之盟雖為公故亦稱會而已謀納公而  
不克故不月與及齊大夫盟既同異其事也

莊二十七年夏六月公會齊侯宋公陳侯鄭伯同盟于

幽

僖七年秋七月公會齊侯宋公陳世子款鄭世子華盟  
于甯母 八年春王正月公會王人齊侯宋公衛侯許  
男曹伯陳世子款盟于洮 九年夏公會宰周公齊侯  
宋子衛侯鄭伯許男曹伯于葵丘九月戊辰諸侯盟于  
葵丘 十五年三月公會齊侯宋公陳侯衛侯鄭伯許  
男曹伯盟于牡丘 二十八年五月癸丑公會晉侯齊  
侯宋公蔡侯鄭伯衛子莒子盟于踐土

文七年秋八月公會諸侯晉大夫盟于扈十四年六月公會宋公陳侯衛侯鄭伯許男曹伯晉趙盾癸酉同盟于新城

宣十七年六月己未公會晉侯衛侯曹伯邾子同盟于斷道

成五年十二月己丑公會晉侯齊侯宋公衛侯鄭伯曹伯邾子杞伯同盟于蟲牢七年秋公會晉侯齊侯宋公衛侯曹伯莒子邾子杞伯救鄭八月戊辰同盟于馬

陵 九年春王正月公會晉侯齊侯宋公衛侯鄭伯曹  
伯莒子杞伯同盟于蒲 十五年三月癸丑公會晉侯  
衛侯鄭伯曹伯宋世子成齊國佐邾人同盟于戚 十  
七年夏公會尹子單子晉侯齊侯宋公衛侯曹伯邾人  
伐鄭六月乙酉同盟于柯陵

襄三年六月公會單子晉侯宋公衛侯鄭伯莒子邾子  
齊世子光己未同盟于雞澤 九年冬公會晉侯宋公  
衛侯曹伯莒子邾子滕子薛伯杞伯小邾子齊世子光

伐鄭十二月己亥同盟于戲 十一年夏公會晉侯宗

公衛侯曹伯齊世子光莒丁邾子滕子薛伯杞伯小邾

子伐鄭秋七月己未同盟于亳城北 十八年冬十月

公會晉侯宗公衛侯鄭伯曹伯莒子邾子滕子薛伯杞

伯小邾子同圍齊 十九年春王正月諸侯盟于祝柯

二十年夏六月庚申公會晉侯齊侯宗公衛侯鄭伯曹

伯莒子邾子滕子薛伯杞伯小邾子盟于澶淵 二十

五年夏公會晉侯宗公衛侯鄭伯曹伯莒子邾子滕子

薛伯杞伯小邾子于夷儀秋八月己巳諸侯同盟于重丘  
昭十三年秋公會劉子晉侯齊侯宋公衛侯鄭伯曹伯  
莒子邾子滕子薛伯杞伯小邾子于平丘八月甲戌同  
盟于平丘公不與盟

以上公會伯者合諸侯之盟二十一會而不與盟者  
一凡伯者之盟亦稱會伯者為盟而公會之也故悉  
從外為志例其事略序見後篇凡桓文之盟不日葵  
丘踐土皆功業最盛之時故曰晉主夏盟恒日其不

日者皆有故也

僖五年秋八月諸侯盟于首止

以上諸侯盟不言公及者一承上文及會從可知也  
王世子不與盟故言諸侯齊桓不主會而主盟故不  
言公及諸侯會王世子序見後

定四年三月公會劉子晉侯宋公蔡侯衛侯陳子鄭伯  
許男曹伯莒子邾子頓子胡子滕子薛伯杞伯小邾子  
齊國夏于召陵侵楚五月公及諸侯盟于臯馳

以上公會王臣合諸侯侵楚及諸侯盟者一是會劉  
子之志晉不復主盟而劉子復不與盟故稱公及諸  
侯盟與葵丘但言諸侯盟平丘但言同盟者異文其  
不日亦以別於有伯之盟也

十三公如伯國受盟稱及

閔元年秋八月公及齊侯盟于落姑

文三年冬公如晉十二月己巳公及晉侯盟 十三年

冬公如晉十二月己丑公及晉侯盟



襄三年春公如晉夏四月壬戌公及晉侯盟于長樗

以上公及伯主盟者四莊公薨魯亂閔公幼季子在  
外齊桓以伯令召閔公至齊地盟以復季子其稱及  
者從受盟例也晉襄以魯不朝使陽處父盟公既而  
請改盟故公如晉及晉侯盟十三年公如晉朝靈公  
且尋盟皆盟於其國都故不書地襄公即位晉悼即  
使人來聘故明年公朝而請盟晉侯去其國都以禮  
於公皆受盟於伯主故稱及季子身繫魯國社稷安

危盟以復之事之宜也故落姑之盟不日以別於他  
君之受盟者

畜公與王臣外臣會盟稱會特相盟稱及

僖二十九年夏六月會王人晉人宋人齊人陳人蔡人  
秦人盟于翟泉

以上公會王臣外大夫盟一王子虎尋踐土之盟故  
稱會內沒公而王臣與外大夫皆稱人諱公與王子  
盟也不日別於踐土也凡內諱公外稱人與後處父

去族皆說見變文篇

文十年秋七月及蘇子盟于女栗

以上公及王臣盟一晉伯中衰頃王新立使大夫下  
盟列國凡公與大夫盟雖沒公猶書日譏其伉也王  
臣非伉故不日

文二年三月乙巳及晉處父盟

以上公如伯國及其臣盟者一傳曰晉人以不朝來  
討公如晉晉人使陽處父盟公以恥之處父去族說

在變文篇凡大夫伉盟書日者譏若兩君然為諱不  
書公見實也

成三年冬十一月晉侯使荀庚來聘衛侯使孫良夫來  
聘丙午及荀庚盟丁未及孫良夫盟 十一年春王三  
月晉侯使卻犇來聘己丑及卻犇盟

襄七年冬十月衛侯使孫林父來聘壬戌及孫林父盟  
十五年春宋公使向戌來聘二月己亥及向戌盟于劉  
以上外臣聘魯而尋盟者四晉景使荀庚來聘且尋

盟衛定使孫良夫來聘且尋盟晉厲疑公貳於楚故  
使卻犇來聘且涖盟衛獻使孫林父來聘且尋盟公  
皆與之盟于國都故不言地若去其國都而盟諸侯  
乃晉悼公所以謙接吾君者也宋共使向戌來聘且  
尋盟公去其國都與向戌盟于劉三家專魯君弱戌  
自以為君矣比事考之則所尋之盟可見

莊二十二年秋七月丙申及齊高傒盟于防

以上公及外臣盟者一齊桓以魯莊請昏而先以高

侯盟公于防譏在外故沒公杜氏不知筆削之旨謂稱及為內微者當齊桓伯業已隆其貴卿何事與魯微者盟于魯地乎當從二傳為是

隱八年九月辛卯公及莒人盟于浮來

莊九年春公及齊大夫盟于訇

以上公及外臣盟稱及者二隱公特盟小國之臣譏在內故書公均為仇故書日當齊無君大夫盟納于糾事非所諱故書公既而桓公入子糾殺故不月以

異之

孟公會諸侯使大夫盟

襄十六年三月公會晉侯宋公衛侯鄭伯曹伯莒子邾子薛伯杞伯小邾子于濙梁戊寅大夫盟

以上公會諸侯而大夫盟者一穀梁傳曰諸侯會而大夫盟正在大夫也公羊傳曰信在大夫也大夫專盟會久矣而未有諸侯會而大夫盟者案左傳則大夫者晉荀偃宋向戌魯叔孫豹衛甯殖鄭公孫蠆也

是皆彊家專國者故雖君會而大夫自盟以其君不能為有無也二傳之言蓋得春秋言外之旨不言諸侯之大夫者閒無異事

壬公與夷狄盟稱及特會而後與盟稱及

隱二年秋八月庚辰公及戎盟于唐

桓二年九月公及戎盟于唐

以上公及戎盟者二凡夷狄舉號君臣同辭雖戎請盟亦稱及者不屈中國從夷狄故以公及之隱盟則



日桓盟不日者桓弑隱嫌繼隱好故不日以別之  
成二年十一月丙申公及楚人秦人宋人陳人衛人鄭  
人齊人曹人邾人薛人鄆人盟于蜀

以上公及楚人諸侯大夫盟者一蒙公會于蜀文言  
及傳曰初宣公使求好于楚莊王卒宣公薨不克作  
好公即位受盟于晉會晉伐齊衛人不行使于楚而  
亦受盟于晉從於伐齊故楚令尹子重為陽橋之役  
以救齊冬楚師侵衛遂侵我師于蜀孟孫請往賂之

以請盟楚人許之十一月公及楚公子嬰齊蔡侯許男秦右大夫說宋華元陳公孫寧衛孫良夫鄭公子去疾及齊大夫盟于蜀說見變文篇

壬午大夫特與諸侯盟稱及稱會與君同

文十六年六月戊辰公子遂及齊侯盟于鄆丘

成元年夏臧孫許及晉侯盟于赤棘

定三年冬仲孫何忌及邾子盟于拔

哀二年春王二月癸巳叔孫州仇仲孫何忌及邾子盟

于句繹

以上內大夫特與諸侯盟稱及者四公子遂盟齊懿以緩伐魯之師臧孫許為齊難故盟晉景結好求援二盟皆魯欲之定公即位邾子益新立何忌盟以求好三家既同帥師伐邾取其田二子又盟邾子以要之故四盟皆稱及凡內大夫盟諸侯皆不月邾立軋於齊句繹三家轢邾已甚故皆日以異之

昭十一年夏仲孫貜會邾子盟于祊祥

以上內大夫特與諸侯盟稱會者一邾悼既釋怨來朝而魯會之葬於是纓會邾子盟則是盟邾志也故稱會

內大夫盟諸侯參以上稱會伯者之盟稱會與君同出疆遂盟稱及非卿不稱名氏

桓十一年九月柔會宋公陳侯蔡叔盟于折

蒙上  
事月

以上內大夫與三國之君盟稱會者一魯始黨齊鄭既皆來戰于郎鄭莊卒宋陳蔡盟于折而柔會之

文二年夏六月公孫教會宋公陳侯鄭伯晉士穀盟于垂隴

成十八年十二月仲孫蔑會晉侯宋公衛侯邾子齊崔杼同盟于虛朶

以上內大夫與伯者之盟稱會二晉人既以處父盟公魯人恥之故垂隴之盟宋陳鄭之君皆在而魯獨以大夫往晉悼公初立楚納宋魚石于彭城又侵宋悼公會諸侯于虛朶以謀救宋時成公薨未葬故魯

獨以大夫往

莊十九年秋公子結媵陳人之婦于鄆遂及齊侯宋公盟

以上內大夫出疆遂盟諸侯稱及者一公子結以送女至鄆遇齊宋將伐魯遂與二君盟以緩師故稱及大夫遂盟諸侯故不月

莊十六年冬十二月會齊侯宋公陳侯衛侯鄭伯許男滑伯滕子同盟于幽

以上內微者與伯主之盟稱會一公既盟齊侯于柯而二鄆之會不至此同盟于幽諸侯皆在而魯猶以微者行是以有公子結之盟三國西鄙之伐公羊作公會陳氏又謂諱不言公以經傳事理推之皆非是  
堯內大夫特與外臣盟稱及稱會非卿不稱名

氏

成十六年十二月乙丑季孫行父及晉卻欒盟于扈  
以上內大夫特與外大夫盟稱及者一晉以僞如之

譖執季孫行父舍于茗丘於是赦之而季孫及卻犢  
盟于扈故稱及

隱元年九月及宋人盟于宿

以上內微者及外微者盟稱及者一魯求成於宋故  
稱及穀梁傳曰及內卑者也宋人外卑者也

文八年冬十月壬午公子遂會晉趙盾盟于衡雍  
襄二十年春王正月辛亥仲孫速會莒人盟于向

以上內大夫會外大夫盟稱會者二扈之盟公後至



晉人來討襄仲會趙孟盟于衡雍報扈之盟則是晉志也莒與邾更伐魯湫梁之會晉以魯故執莒邾之君同圍齊之後又執邾子於是齊靈卒齊莊與晉成莒失其恃而為向之盟故皆稱會

公內大夫與外臣盟參以上稱會伯者之會別盟後至者稱及以及既會而盟稱及盟于師稱及

僖十九年冬會陳人蔡人楚人鄭人盟于齊

以上內大夫與四國之臣盟稱會者一陳穆公請修好於諸侯以無忘齊桓之德故為是盟而魯會之

襄三年六月戊寅叔孫豹及諸侯之大夫及陳袁僑盟

二十七年秋七月辛巳豹及諸侯之大夫盟于宋

以上內大夫因諸侯會盟別盟大夫後至者稱及以

及者一既會諸侯之大夫而後與盟稱及者一皆蒙

上文其事別見

成二年秋七月齊侯使國佐如師己酉及國佐盟于袤

婁

以上內大夫會戰盟于師稱及者一不言及以及閒  
無異事鞏之戰序見後

至內大夫與戎盟稱會

文八年冬十月乙酉公子遂會雒戎盟于暴

以上魯臣會戎盟者一臣降於君故雖盟戎稱會

至自外來魯盟稱來盟自魯往他國盟言蒞盟

襄二十九年夏杞子來盟

以上杞君來盟者一杞伯既因晉悼夫人治魯歸田  
懼魯之見惡於是親來盟魯人賤之故降其爵

桓十四年夏五鄭伯使其弟語來盟

宣七年春衛侯使孫良夫來盟

以上來盟稱使者二鄭厲與公會于曹而未盟故使  
其弟來盟衛成欲謀會晉故使良夫來盟夏五說見  
後闕文類來盟著例不月

閔二年冬齊高子來盟

文十五年三月宋司馬華孫來盟

以上來盟不稱使者二閔公弑齊桓使高子來盟立  
僖公時魯無君季友接之以二臣相見故不言齊侯  
使無所致命也公羊傳曰不稱使我無君也宋人將  
弑昭公而立公子鮑華孫為公子鮑來盟非其君使  
來故不言宋公使無所受命也凡來盟不月華孫結  
魯輔篡故特書月以異之

僖三年冬公子友如齊泣盟

文七年冬公孫敖如莒泣盟

昭七年春叔孫婁如齊泣盟

定十一年冬叔還如鄭泣盟

以上魯臣往他國泣盟者四凡泣盟皆盟其君來盟  
亦然齊桓公為公不會陽穀來尋盟故公子友如齊  
盟莒人來請盟故公孫敖如莒盟昭公將如楚故使  
叔孫婁如齊盟魯及鄭平故叔還如鄭盟凡來盟五  
泣盟四皆無交泣者唯哀八年臧賔如齊泣盟齊閭

丘明來涖盟二人皆非卿雖交涖史不書凡涖盟不月與來盟同

公三特會諸侯自參以上必言故苟從可知不言故伯主之會不言故避不主會言及以會  
隱九年冬公會齊侯于防 十一年夏公會鄭伯于時  
來

桓元年三月公會鄭伯于垂 三年春正月公會齊侯于嬴 六月公會杞侯于郕 九月公會齊侯于謹

六年夏四月公會紀侯于成 十一年九月公會宋公  
于夫鍾 冬十二月公會宋公于闕 十二年八月公  
會宋公于虛 冬十一月公會宋公于龜 十四年春  
正月公會鄭伯于曹 十五年五月公會齊侯于艾  
蒙上 月事 十八年春王正月公會齊侯于濞

以上公特會諸侯者十四皆春秋之初伯者未興諸  
侯起亂之事防為伐宋時來為伐許垂假許田郕杞  
受兵而求成成紀來諮謀齊難夫鍾闕虛龜皆為平



宋鄭曹與鄭突修好艾謀定許皆非為國為民羸成  
昏于齊謹受姜氏漂與夫人如齊皆公妃匹失禮之  
事凡內離會不月唯魯桓之會皆月桓內弑其君兄  
而外構亂身戕隣國其盟會之失皆不足復議故從  
其恒法以別異之

宣元年夏公會齊侯于平州

定十年夏公會齊侯于夾谷

以上公特會諸侯者二宣公奪適以賂請會于齊以

定其位而不事晉夾谷齊結魯叛晉

隱十年春王二月公會齊侯鄭伯于中丘

桓二年三月公會齊侯陳侯鄭伯于稷以成宋亂 十

五年冬十一月公會宋公衛侯陳侯于袤伐鄭 十六

年春正月公會宋公蔡侯衛侯于曹

以上公會諸侯參以上四稷曰成宋亂袤曰伐鄭皆  
為會言故中丘曹下即有會伐之事從可知也凡內  
參會皆月有大夫則不月

定十四年五月公會齊侯衛侯于牽

蒙上  
事月

哀十二年秋公會衛侯宋皇瑗于鄆

以上公參會諸侯者二時諸侯皆叛晉牽謀救范中行氏鄭辭吳而竊盟事可知也

莊二十七年冬公會齊侯于城濮

僖元年八月公會齊侯宋公鄭伯曹伯邾人于榿十

三年夏公會齊侯宋公陳侯衛侯鄭伯許男曹伯于鹹  
十六年冬十二月公會齊侯宋公陳侯衛侯鄭伯許男

邢侯曹伯于淮 二十八年冬公會晉侯齊侯宋公蔡侯鄭伯陳子莒子邾人秦人于溫

宣七年冬公會晉侯宋公衛侯鄭伯曹伯于黑壤

成十二年夏公會晉侯衛侯于瑣澤

襄五年秋公會晉侯宋公陳侯衛侯鄭伯曹伯莒子邾子滕子薛伯齊世子光吳人鄫人于戚 七年十二月

公會晉侯宋公陳侯衛侯曹伯莒子邾子于鄆 十一年秋公會晉侯宋公衛侯曹伯齊世子光莒子邾子滕

子薛伯杞伯小邾子伐鄭會于蕭魚 十六年春公會

晉侯宋公衛侯鄭伯曹伯莒子邾子薛伯杞伯小邾子

于浞梁 二十一年冬公會晉侯齊侯宋公衛侯鄭伯

曹伯莒子邾子于商任 二十二年冬公會晉侯齊侯

宋公衛侯鄭伯曹伯莒子邾子薛伯杞伯小邾子于沙

隨 二十四年八月公會晉侯宋公衛侯鄭伯曹伯莒

子邾子滕子薛伯杞伯小邾子于夷儀

蒙上  
事月

二十五

年夏五月公會晉侯宋公衛侯鄭伯曹伯莒子邾子滕

子薛伯杞伯小邾子于夷儀

蒙上  
事月

以上公與伯者之會十有五凡伯者之會不言故從可知也其事皆別見凡公與盟主之會不月必無成事而後月詳見下篇及日月篇

僖五年夏公及齊侯宋公陳侯衛侯鄭伯許男曹伯會王世子于首止

以上公及諸侯會王世子者一王世子以儲君之尊出臨諸侯故齊桓避不敢主會而率諸侯以會于世

子故書及以會皆實錄也

公特會夷狄

哀七年夏公會吳于郕 十二年夏公會吳于橐皋  
以上公特會吳者二是時魯有職貢於吳而猶以號  
舉者不以諸侯之禮相接也

隱二年春公會戎于潛

以上公會戎者一

成二年冬公會楚公子嬰齊于蜀

為下盟月

以上公會楚大夫者一事見變文篇

五公會諸侯殊會夷狄言會以會不殊會言會  
以及

襄十年春公會晉侯宋公衛侯曹伯莒子邾子滕子薛  
伯杞伯小邾子齊世子光會吳于柤

以上公會諸侯殊會夷狄一凡言會吳者皆其君從  
夷狄舉號例以其稱號不典未能以中國諸侯之禮  
相接故諸侯自相與為會然後會之所謂會又會也



自晉厲公以大夫會吳至悼公遂以諸侯會之皆欲  
通吳以撓楚

哀十三年夏公會晉侯及吳子于黃池

以上公會晉侯吳子不殊會者一以諸侯之禮相接  
故得稱吳子兩主之故言及傳言吳晉爭先則不可  
言吳主會言魯職貢於吳有豐於晉將半邾以事吳  
而如邾以事晉則魯蓋兩事吳晉凡會吳詳見謹華

夷篇

齊公會杞伯姬

莊二十七年春公會杞伯姬于洮

以上公會其女為杞夫人者一伯姬以前二年歸杞至此會公于洮冬乃歸寧皆為杞伯來朝先為之地也說者但譏莊公不當出會其女而不知大不字小之失以至於此

公及夫人會齊侯

僖十一年夏公及夫人姜氏會齊侯于陽穀

以上公及夫人會齊侯者一夫人雖齊女然兩君相見而婦人參其間非禮也

次諸侯迎會公

文十三年冬公如晉衛侯會公于沓 公還自晉鄭伯

會公于棐

以上諸侯迎會公者二皆欲因公請成于晉

定十四年 大蒐于比蒲邾子來會公

以上諸侯來會公者一魯既結齊叛晉邾主齊故來

會公以修好杜氏曰來而不用朝禮故曰會

允公會外師

定八年夏公會晉師于瓦

以上公會外師者一齊師伐我晉士鞅趙鞅荀寅救  
我齊師已去公遂會三卿于瓦卿非期會故以師為  
重成二年傳言公會晉師于上鄆不書者四卿出師  
會晉衛以報齊怨幸而一戰勝齊遂使禽鄭逆公勞  
師以臣召君不可為訓故削之以全國體在存策書

中為變例之五

九十公會外大夫

襄二十六年夏公會晉人鄭良霄宋人曹人于澶淵  
以上公會外大夫者一凡公與外大夫盟則諱不言  
公此會則不諱者盟則君臣同歆故諱公以遠恥會  
則君臣各在其位故直書以見其失而已外大夫書  
人皆說見變文辯名實篇

九十一王臣會諸侯

莊十四年冬單伯會齊侯宋公衛侯鄭伯于鄆

以上王卿士會諸侯一齊桓公始合諸侯假王命以示大順凡王臣有諸侯之事皆以內辭書杜氏謂赴以單伯會諸侯為文非也

三內大夫會諸侯

文元年秋公孫敖會晉侯于戚

宣十四年冬公孫歸父會齊侯于穀 十五年春公孫

歸父會楚子于宋

昭九年春叔弓會楚子于陳

以上內大夫特會諸侯者四皆以事往晉侯疆戚田故公孫敖往會之楚子在宋歸父先會齊侯而後會楚子于宋者宣公方事齊故先謀於齊而後會楚也楚師滅陳故叔弓會楚子于陳

襄八年夏季孫宿會晉侯鄭伯齊人宋人衛人邾人于邢丘

以上內大夫會伯主者一悼公復伯使諸侯大夫聽

朝聘之數

至三內大夫會外大夫苟非天下之事則言故

文十一年夏叔仲彭生會晉卻缺于承匡

宣十五年秋仲孫蔑會齊高固于無婁

成五年夏叔孫僑如會晉荀首于穀

昭三十一年春季孫意如會晉荀躒于適歷

以上內大夫特會外大夫者四彭生會卻缺謀諸侯之從楚者蔑會高固則齊魯既皆通楚而晉將徵會



于諸侯也荀首如齊逆女僑如餽諸穀意如出君晉人不能討使荀躒召意如至適歷欲其奉公以歸

襄二年秋仲孫蔑會晉荀瑩宋華元衛孫林父曹人邾

人于戚

為下  
葬月

冬仲孫蔑會晉荀瑩齊崔杼宋華元衛

孫林父曹人邾人滕人薛人小邾人于戚十四年冬

季孫宿會晉士匄宋華閱衛孫林父鄭公孫蠆莒人邾

人于戚十九年冬叔孫豹會晉士匄于柯二十七

年夏叔孫豹會晉趙武楚屈建蔡公孫歸生衛石惡陳

孔奐鄭良霄許人曹人于宋三十年冬晉人齊人宋人衛人鄭人曹人莒人邾人滕人薛人杞人小邾人會于澶淵宋災故

昭元年春叔孫豹會晉趙武楚公子圍齊國弱宋向戌衛齊惡陳公子招蔡公孫歸生鄭罕虎許人曹人于虢十一年秋季孫意如會晉韓起齊國弱宋華亥衛北宮佗鄭罕虎曹人杞人于厥憇二十五年夏叔詣會晉趙鞅宋樂大心衛北宮喜鄭游吉曹人邾人滕人薛人

小邾人于黃父

以上內大夫會外大夫者九一言故澶淵之會叔孫  
豹不書而外大夫稱人乃筆削之旨

魯內大夫特會夷狄

哀六年夏叔還會吳于祖

以上內大夫特會夷狄者一

魯內大夫會外大夫殊會夷狄言會以會同受

命直言會之

成十五年冬十一月叔孫僑如會晉士燮齊高無咎宋  
華元衛孫林父鄭公子魴邾人會吳于鍾離

襄十四年春王正月季孫宿叔老會晉士匄齊人宋人  
衛人鄭公孫蠆曹人莒人邾人滕人薛人杞人小邾人  
會吳于向

以上內大夫會外大夫殊會夷狄者二義與公會諸  
侯殊會夷狄同凡內大夫會外大夫不月必會而又  
會夷狄然後月

襄五年夏仲孫蔑衛孫林父會吳于善道

以上內大夫外大夫會夷狄者一不曰會以會者二  
國之卿同受命于晉不自期會也

九共君大夫出會諸侯無成事亦書

桓十年秋公會衛侯于桃丘弗遇

成十六年秋公會晉侯齊侯衛侯宋華元邾人于沙隨  
不見公

昭十三年秋公會劉子晉侯齊侯宋公衛侯鄭伯曹伯

莒子邾子滕子薛伯杞伯小邾子于平丘八月甲戌同盟于平丘公不與盟

文十六年春季孫行父會齊侯于陽穀齊侯弗及盟  
以上公會諸侯弗遇者一不見公者一不與盟者一  
大夫會諸侯不見與盟者一雖無成事史猶謹書之  
所以尊君重國也劉氏曰春秋於魯事有可恥者必  
為之諱君臣之禮也若我無失道而橫逆所加則不  
諱故直書以罪諸侯

宣四年春王正月公及齊侯平莒及郟莒人不肯

以上公及諸侯平國不成者一無成事而書義與上  
同且為公伐莒取向言故

九十七公及諸侯相遇

隱四年夏公及宋公遇于清

莊二十三年夏公及齊侯遇于穀 三十年冬公及齊

侯遇于魯濟

以上公及諸侯遇者三簡禮相見曰遇何氏曰古者

有遇禮為朝天子若朝罷歸卒相遇于塗近者為主  
遠者為賓稱先君以相接所以崇禮讓絕慢易也當  
春秋時出入無度卒然相要非常遇也今案隱與宋  
公聞衛亂而相遇齊桓圖伯亦兩與公遇者桓公欲  
身下諸侯以成伯業故以簡便濟其勤勞

齊公行無成事書次

莊三年冬公次于滑 八年春師次于郎以俟陳人蔡

人為下  
人 事月



以上公次者一諱公稱師者一次者師止舍之名君  
行師從故君所止舍亦言次其事至淺必無成事而  
後書傳言閔公次于郎待季友不書者既書公及齊  
侯盟于落姑為有成事則信宿之次史不復錄十二  
公行反往往曠月踰時使所次悉書亦不勝書矣杜  
陳例皆不取

九公失國書次書如書至書居書唁書圍邑取  
邑

昭二十五年九月己亥公孫于齊次于陽州 齊侯唁

公于野井 二十六年三月公至自齊居于鄆 夏公

圍成 秋公會齊侯莒子邾子杞伯盟于鄆陵 公至

自會居于鄆 二十七年春公如齊 公至自齊居于

鄆 冬公如齊 公至自齊居于鄆 二十八年春公

如晉次于乾侯 二十九年春公至自乾侯居于鄆

齊侯使高張來唁公 公如晉次于乾侯 冬十月鄆

潰 三十年春王正月公在乾侯 三十一年春王正

月公在乾侯 夏晉侯使荀躒唁公于乾侯 三十二  
年春王正月公在乾侯取闕


以上昭公孫于齊後書次者三書如者四書至書居  
者五書在者三書公會者一書唁公者三書圍邑者  
一取邑者一公已失國而詳錄其出處如此者臣無  
絕君之道公身繫國安危季孫雖叛公社稷宗廟臣  
民非公無所繫也當是時公令不及於魯魯史安能  
以時得公出處歲月如是之詳君臣交戰季孫豈以

得於謀報者而詳命史氏於阻兵之日哉季孫背昭  
子之言不納公又脅鄆使潰而每歲賈馬歸從者之  
衣屨于乾侯蓋欲信士鞅黨逆之言以欺晉君爾扈  
之會鞅曰季氏事君如在國杜氏註曰書公行告公  
至是也三十年公在乾侯服虔曰季氏閔而釋之所  
謂事君如在國是也若是則季孫士鞅之姦謀非唯  
足以欺時君而尚足以欺後世也春秋之作亂臣賊  
子猶能知而懼之而學者反以空言汨之也傳言季

孫欲溝公墓為惡謚皆以榮成伯之言而止魯之臣  
子猶有人焉當定哀之間意如卒後史臣豈無職思  
其憂者詳著昭公出處以補策書之闕乎公羊傳記  
孔子舉野井唁禮而曰其禮與其辭足觀矣當時士  
大夫從公如子家子所謂貌而出者猶衆有足徵也  
又案史記昭公奔齊魯亂孔子亦適齊當時之事見  
聞所及使魯史不追補之孔子修春秋時亦特筆書  
之以誅季氏不臣之罪矣服杜之失不足深辯也



春秋屬辭卷六



覆校官編修臣朱依魯

校對官檢討臣王鍾健

謄錄貢生臣李敬敏

欽定四庫全書薈要

經部

春秋屬辭卷七





欽定四庫全書薈要卷一千七百一

經部

春秋屬辭卷七

元 趙汭 撰

存策書之大體第一之七

一百內師公將稱公大夫稱名氏微者不言將

隱七年秋公伐邾

莊二十六年春公伐戎

僖二十一年冬公伐邾 二十二年春公伐邾 三十



三年夏公伐邾

文七年春公伐邾

宣四年春公伐莒 十八年春公伐杞

哀七年秋公伐邾

莊二年夏公子慶父帥師伐於餘丘

僖三十三年秋公子遂帥師伐邾

文十四年春叔彭生帥師伐邾

宣十年秋公孫歸父帥師伐邾

襄二十一年秋仲孫速帥師伐邾

昭十年秋七月季孫意如叔弓仲孫矍帥師伐莒

哀元年冬仲孫何忌帥師伐邾 二年春王二月季孫

斯叔孫州仇仲孫何忌帥師伐邾 六年冬仲孫何忌

帥師伐邾

桓八年秋伐邾

以上公伐者九大夫伐者九微者伐一皆小國凡君將不言帥師古者君行師從言君將則師行可知大

夫將言帥師師重與大夫等也微者不言將者大夫  
非卿名氏不登于策公羊傳曰將尊師少言將將尊  
師衆言某帥師君將不言帥師書其重者此策書之  
法通内外言之唯將卑師少稱人外與內異以本國  
之史不可復言某人故內微者不言將詳見辭從主  
人篇筆削之法外師雖君大夫將有變文稱人者唯  
內師悉從其恒稱蓋外變文以示義則內從其恒稱  
以見實乃外可變而內不可變者凡內師兼他義者

此不序三家既分公室其三卿並將俱出則特書月以見異常

莊十年二月公侵宋

定六年二月公侵鄭 八年春王正月公侵齊 二月

公侵齊

成六年秋仲孫蔑叔孫僑如帥師侵宋

襄二十四年春仲孫羯帥師侵齊

定八年秋季孫斯仲孫何忌帥師侵衛

以上公侵者四大夫侵者三齊大魯小宋衛皆敵國雖有怨仇及盟主之命皆言侵與加兵小國異辭非史文矣趙伯循曰凡侵伐不書勝敗殺掠而還也陸氏曰主人不出戰也今案公親將以犯大國故書月以甚之莊九年夏公伐齊納子糾

以上公伐齊者一凡潛師掠竟曰侵聲罪致討曰伐此策書之法通内外言之筆削之法外侵伐悉從其恒稱內師加小國皆言伐加大國皆言侵蓋外從其

恒稱以見實則內變文以示義乃內可變而外不可  
變者也當齊無君莊公興師以納子糾故直言伐詳  
見變文篇

一頁內勝外師言敗勝敗相當言戰大崩言敗績  
微者戰言及

隱十年六月壬戌公敗宋師于菅

莊十年春王正月公敗齊師于長勺 夏六月公敗宋

師于乘丘

蒙上  
事月

十一年夏五月戊寅公敗宋師于鄆

僖元年九月公敗邾師于偃 冬十月壬午公子友帥師敗莒師于鄆獲莒挐

文十一年冬十月甲午叔孫得臣敗狄于鹹

昭五年秋七月戊辰叔弓帥師敗莒師于蚡泉

以上內敗外師者八凡敗皆不書侵伐以地之內外見之也敗諸外者我既侵伐彼國而又敗其師敗諸內者彼來侵伐我而為我所敗不待書侵伐而可見矣外相敗及戰亦同凡大夫敗外師日而公不日者



國君不以善將為功殊之於大夫也其日者皆甚之  
既以臣會伐而公又敗宋師以自為功既得志於乘  
丘而又禦之於郛以深其怨皆甚其事也

莊九年夏公伐齊納子糾八月庚申及齊師戰于乾時  
我師敗績

以上魯君伐齊納其公子及齊師戰敗績者一時齊  
桓已立但言及齊師戰者魯納子糾不正桓之為君  
也

桓十七年夏五月丙午及齊師戰于奚

以上微者及戰一傳曰齊人侵魯疆疆吏來告公曰  
疆場之事姑盡所備事至而戰又何謁焉則及齊人  
戰者疆吏也此微者將不言其人之例

僖二十二年秋八月丁未及邾人戰于升陘

以上公及外微者戰一傳曰公及邾人戰于升陘我  
師敗績經不言公與敗績但書及戰同微者乃筆削  
之法此與乾時及戰皆蒙上文而此獨為筆削者彼

是一事再見史有恒例此併兩事為一役非復史文  
矣說見變文篇

亘內圍國邑及外師圍國

成三年秋叔孫僑如帥師圍棘

昭十三年春叔弓帥師圍費

定六年冬季孫斯仲孫忌帥師圍郕

杜氏曰何忌不言何闕文

十

年夏叔孫州仇仲孫何忌帥師圍郕 秋叔孫州仇仲

孫何忌帥師圍郕

以上內圍其邑者五凡內邑必叛而後圍之不書內邑叛說見後篇

昭二十六年夏公圍成

定十二年十二月公圍成

以上公自圍其邑者二昭公失國季孫以成拒師內叛也定公令不行於大夫孟氏不肯墮成亦與叛無異時三家分魯而有之魯君擁虛器之日久矣昭圍成不月異在國也詳見第六篇

哀三年冬叔孫州仇仲孫何忌帥師圍邾

以上內大夫圍國者一

莊八年夏師及齊師圍邾邾降于齊師

以上及外師圍國者一變公言師乃筆削之旨

亘內入國邑公及諸侯入國

隱二年夏五月無駭帥師入極

蒙外入國月

桓二年九月入杞

僖二十七年秋八月乙巳公子遂帥師入杞

以上內大夫入國者二微者入國一皆恃衆凌寡以  
俘掠為暴也凡內臣入國不日僖公不念姑姊妹而  
入其甥國故書日

襄十二年春王二月季孫宿帥師救台遂入鄆

蒙伐我  
圖台月

以上內大夫救內邑遂入外邑者一

哀七年秋公伐邾八月己酉入邾以邾子益來

以上公因伐而入國者一伐邾乃季孫肥之意時公  
制於三家非有君將之實也

隱十一年秋七月壬午公及齊侯鄭伯入許

以上公及諸侯入國者一入國書公及蒙上文會時  
來與桓十二年及伐蒙上文會盟武父同例凡入國  
者皆破其國都制其民人遷其重器但不有其地故  
不言滅鄭既有許地而不言滅者以許叔居許東偏  
奉許宗祀也

邕公會伐會侵會圍會而及戰

桓十六年夏四月公會宋公衛侯陳侯蔡侯伐鄭

莊五年冬公會齊人宋人陳人蔡人伐衛

宣七年夏公會齊侯伐萊

以上公會諸侯伐者三

桓公黨亂莊公為仇人役宣公事齊也桓之會伐書月從

其恒法與  
盟會同

莊二十六年秋公會宋人齊人伐徐

僖四年春王正月公會齊侯宋公陳侯衛侯鄭伯許男

曹伯侵蔡蔡潰遂伐楚

成三年春公會晉侯宋公衛侯曹伯伐鄭 十年夏公



會晉侯齊侯宋公衛侯曹伯伐鄭

二會伐皆為下事月

十三年

夏五月公自京師遂會晉侯齊侯宋公衛侯鄭伯曹伯

邾人滕人伐秦 十六年秋公會尹子晉侯齊國佐邾

人伐鄭 十七年夏公會尹子單子晉侯齊侯宋公衛

侯曹伯邾人伐鄭 冬公會單子晉侯宋公衛侯曹伯

齊人邾人伐鄭

襄九年冬公會晉侯宋公衛侯曹伯莒子邾子滕子薛

伯杞伯小邾子齊世子光伐鄭 十年秋公會晉侯宋

公衛侯曹伯莒子邾子齊世子光滕子薛伯杞伯小邾  
子伐鄭 十一年夏公會晉侯宋公衛侯曹伯齊世子  
光莒子邾子滕子薛伯杞伯小邾子伐鄭 秋公會晉  
侯宋公衛侯曹伯齊世子光莒子邾子滕子薛伯杞伯  
小邾子伐鄭

以上公會伯國伐者十有二起齊桓伐徐終晉悼伐  
鄭凡公會伐不月會伯主攘夷狄則月自京師遂會  
伐則月

哀十年春公會吳伐齊 十一年夏公會吳伐齊

為日戰月

以上公會吳伐者二魯挾吳以敵齊春秋將終也

定四年三月公會劉子晉侯宋公蔡侯衛侯陳子鄭伯  
許男曹伯莒子邾子頓子胡子滕子薛伯杞伯小邾子  
齊國夏于召陵侵楚

以上公會侵一會侵蔡已見上此為王臣合諸侯攘  
夷狄月

僖六年夏公會齊侯宋公陳侯衛侯曹伯伐鄭圍新城

以上公會伐國圍邑一桓公討鄭逃首止之盟

襄十八年冬十月公會晉侯宋公衛侯鄭伯曹伯莒子邾子滕子薛伯杞伯小邾子同圍齊

以上公會圍一悼公末年齊已貳於晉伐我圍成悼公卒復伐魯不已言同盟諸侯所同疾非但盟主之意也從史文

桓十二年冬十一月丙戌公會鄭伯盟于武父十二月及鄭師伐宋丁未戰于宋十三年春二月公會紀侯

鄭伯己巳及齊侯宋公衛侯燕人戰齊師宋師衛師燕師敗績

以上公會而及伐且戰者一會而及戰者一皆魯鄭同惡相濟之事凡公出會例月戰敗例日劉炫云公會紀鄭始行即書其戰之日則戰罷乃告廟是也會紀鄭戰不言地說見變文篇

夏大夫會伐會侵會圍會而及戰

隱四年秋暈帥師會宋公陳侯蔡人衛人伐鄭十年

夏鞏帥師會齊人鄭人伐宋

莊三年春王正月溺會齊師伐衛

文三年春王正月叔孫得臣會晉人宋人陳人衛人鄭人伐沈沈潰

宣十一年夏公孫歸父會齊人伐莒

成八年冬叔孫僑如會晉士燮齊人邾人伐郟

襄十四年夏叔孫豹會晉荀偃齊人宋人衛北宮括鄭

公孫蠆曹人莒人邾人滕人薛人杞人小邾人伐秦

為下

日葵  
月

十六年夏叔老會鄭伯晉荀偃衛甯殖宋人伐

許

以上大夫會伐者八其事別見後篇內大夫不書族  
說在辭從主人篇凡內臣會伐不月溺以會仇讎抗  
王命月得臣以沈潰月

僖四年冬十二月公孫茲帥師會齊人宋人衛人鄭人  
許人曹人侵陳

以上大夫會侵一以伯主侵與國月

襄元年春仲孫蔑會晉欒黶宋華元衛甯殖曹人莒人邾人滕人薛人圍宋彭城

以上大夫會圍一會有宋人復言圍宋彭城說見特  
筆篇

成二年六月癸酉季孫行父臧孫許叔孫僑如公孫嬰  
齊帥師會晉卻克衛孫良夫曹公子首及齊侯戰于鞏  
齊師敗績

以上大夫會而及戰一齊間晉而伐魯戰敗衛師魯



四卿各以師會以一戰勝齊為功故曹無書大夫將者於是特書公子首觀傳言公會晉師于上鄆賜晉三卿五大夫命服而季文子以鞏之戰立武宮則當時之情可見矣

頁微者會伐言及

桓十七年秋及宋人衛人伐邾

僖四年秋及江人黃人伐陳

以上內微者及外微者伐國二凡內師無不與謀而

出會者故君大夫將皆言會必微者而後言及蓋會以合謀君與國卿之事也及則受成命於國微者之事也義與內盟稱及稱會者不同經書及伐唯此二事桓十二年及鄭師伐宋蒙上文公會盟莊八年師及齊師圍郕諱公書師不入此例說在變文篇

夏內救公會救公會臣及救臣會救

僖十八年夏師救齊

襄十二年春季孫宿帥師救台 二十三年秋叔孫豹

帥師救晉

為下  
卒月

以上內救三書師救者將卑師衆也凡事實錯見後  
篇者不盡釋後倣此

莊二十八年秋公會齊人宋人救鄭

成七年秋公會晉侯齊侯宋公衛侯曹伯莒子邾子杞  
伯救鄭

襄五年冬公會晉侯宋公衛侯鄭伯曹伯齊世子光救  
陳

以上公會救三

僖十五年春公孫敖帥師及諸侯之大夫救徐

以上公會臣及救一齊桓公盟諸侯于牡丘遂次于  
匡使諸侯之大夫救徐故內大夫言及蒙上文諸侯  
之會言之

文九年春公子遂會晉人宋人衛人許人救鄭

以上內大夫會救一

頁公追

莊十八年夏公追戎于濟西

僖二十六年春公追齊師至鄆弗及

以上公追二啖氏曰追者寇已去而躡之也書法詳  
略說見後篇

夏師次會次

莊三十年夏次于成

襄二十三年秋叔孫豹帥師救晉次于雍榆

為下日  
卒月

以上師次一大夫帥師次一杜氏曰次在事前次以

待事也次在事後事成而次也今案凡次皆以無成  
事書書救晉者為次雍榆言故實不成救也成十六  
年傳我師次于督揚不書者公會尹子晉侯伐鄭以  
成事書也師行近者歷月遠或踰三時如悉書次將  
不勝書矣

僖十五年三月公會齊侯宋公陳侯衛侯鄭伯許男曹  
伯盟于牡丘遂次于匡

以上公會而遂次者一諸侯不親救徐故書次

襄元年夏仲孫蔑會齊崔杼曹人邾人杞人次于鄆  
以上內大夫會次一傳曰次于鄆以待晉師

鄆內大夫會城

襄二年冬仲孫蔑會晉荀瑩齊崔杼宋華元衛孫林父  
曹人邾人滕人薛人小邾人于戚遂城虎牢 二十九  
年夏仲孫羯會晉荀盈齊高止宋華定衛世叔儀鄭公  
孫段曹人莒人滕人薛人小邾人城杞

昭三十二年冬仲孫何忌會晉韓不信齊高張宋仲幾

衛世叔申鄭國參曹人莒人薛人杞人小邾人城成周  
以上內臣會而遂城者一會城者二曰遂城者會與  
城異地也城虎牢本孟獻子之請晉悼能用謀也城  
杞晉平公為其母悼夫人故城成周奉天子之命以  
紓諸侯之戍

臧王師令必及魯而後書

桓五年秋蔡人衛人陳人從王伐鄭

莊六年春王正月王人子突救衛 十四年春齊人陳



人曹人伐宋夏單伯會伐宋

以上諸侯從王伐國者一王人救者一王臣會伐者  
一據傳隱五年王使尹氏武氏伐翼王命虢公伐曲  
沃桓四年王師秦師圍魏之類皆不見於經者事在  
西方今不至於魯也陳氏以為筆削之旨誤矣隱九  
年鄭人以王命來告伐宋時鄭伯為王左卿士王臣  
不出王師不行故但書公會齊侯鄭伯翬帥師會齊  
鄭伐宋而已至三國從王伐鄭始見於經而不書天

王以諸侯伐鄭者王命不至於魯三國以從王伐鄭  
來告也齊人合諸侯抗王命以納朔魯亦與焉於是  
救衛之令始及於魯齊桓伐宋圖伯請王命以示大  
順史乃得而書之王人書字說見特筆篇

夏外師加魯四境言某鄙直逼國都言伐我

莊十九年冬齊人宋人陳人伐我西鄙

僖二十六年夏齊人伐我北鄙

文十四年春邾人伐我南鄙 十七年夏齊侯伐我西

鄙

成二年春齊侯伐我北鄙

襄八年夏莒人伐我東鄙 十年秋莒人伐我東鄙

十二年春莒人伐我東鄙圍台

為下入  
鄆月

十五年夏齊

侯伐我北鄙圍成 秋邾人伐我南鄙 十六年春齊

侯伐我北鄙 秋齊侯伐我北鄙圍郕 十七年秋齊

侯伐我北鄙圍桃 高厚帥師伐我北鄙圍防 冬邾

人伐我南鄙 十八年秋齊師伐我北鄙 二十五年

春齊崔杼帥師伐我北鄙

定七年秋齊國夏帥師伐我西鄙 八年夏齊國夏帥

師伐我西鄙

以上外師伐魯境者十九齊宋陳一齊十二邾三莒  
三凡外師伐魯史無不書者比其事而考之則曲直  
自見無與於書法故不復詳唯襄十年秋七月楚子  
囊鄭子耳伐我西鄙不書者蓋伐宋之師聲言伐魯  
志在還兵取蕭魯不受兵故不書于策杜云其義未

聞陳云不悉書皆昧於存策書大體之義

僖二十六年春齊人侵我西鄙

文七年夏狄侵我西鄙 十五年秋齊人侵我西鄙

冬齊侯侵我西鄙

襄十四年夏莒人侵我東鄙

以上外師侵魯境者五僖二十六年書公追齊師至  
鄆弗及則凡言侵者皆潛師攻掠而去明矣

哀八年春吳伐我 十一年春齊國書帥師伐我

以上外師伐我者二吳次于泗上行成景伯以城下之盟為恥齊師在清魯人欲背城而戰皆伐魯之國都故直言伐我

夏外師來戰

桓十年冬十二月丙午齊侯衛侯鄭伯來戰于郎

以上三國之君來戰于魯地者一凡諸侯相侵伐或攻掠或求成不必皆戰其戰則以主及客以中國及夷狄皆以應兵見之此不以魯及三國戰直言三國

之君來戰乃筆削之旨說在變文篇

焉內伐國取田邑言伐言取不用師但言取有  
來歸之者言入已滅之國言取不絕其祀不

言滅

隱十年六月壬戌公敗宋師于菅辛未取郕辛巳取防  
以上公敗外師取二邑者一暈既會鄭伐宋公又親  
敗宋師故鄭人得入二邑以歸于我經所以但書魯  
取而一敗二取皆書日以異之

僖二十六年冬公以楚師伐齊取穀 三十三年夏公

伐邾取訾婁

以上公伐國取邑者二

宣十年秋公孫歸父帥師伐邾取繹

哀二年春王二月季孫斯叔孫州仇仲孫何忌帥師伐  
邾取濇東田及沂西田

以上魯臣伐國取邑者一取田者一昭十年三卿伐  
莒而取郚不書杜氏曰公見討平丘魯諱之定六年



公侵鄭而取匡不書杜氏曰匡歸之晉以非隣國不能有之故也

昭元年三月取鄆

以上取外邑不言伐者一

闕

時叔孫豹會晉楚大夫于

以下闕

莒人告於會叔孫

闕

幾被戮

以下闕

也義與滅項不言師同

僖三十一年春取濟西田

成二年秋取汶陽田

襄十九年春取邾田自漚水

以上取田者三濟西田受之伯主故不繫曹汶陽田  
本我地故不繫齊杜氏曰晉使齊還魯故書取不以  
好得故不言歸邾田在漚水北傳曰晉人執邾悼公  
以其伐我故取邾田自漚水歸之于我

隱八年三月鄭伯使宛來歸祊庚寅我入祊

以上外來歸邑書我入者一鄭來歸祊將以易許田也非師不言入此言入者公羊傳曰難也祊在泰山之下去鄭遠而近魯必鄭人不能有而後歸于魯魯恐其民不服故以兵入焉祊歸我而許田未易豈非以其難與

僖二十二年春公伐邾取須句

文七年春公伐邾三月甲戌取須句

宣四年春公伐莒取向

以上公伐國而取其所滅之小國者三須句風姓國  
邾人滅之須句子來奔因成風也僖公伐邾取須句  
而反其君其後邾又滅之故文公伐邾取須句寘文  
公子焉向姜姓國隱二年莒人入向其後為莒滅不  
見於經傳凡滅國有取而有之者則不書滅以存亡  
繼絕之義責歸於取之者也故須句不書邾滅向不  
書莒滅而皆以書取見義惡其為滅國者受惡而始  
滅之罪不待申言也在存策書大體中為變例之七

須句始反其君為附庸則猶未絕其祀故從內取國  
例後寘文公子則遂縣之故書日以異其事

昭四年九月取鄆

以上取已滅之國一傳曰莒亂著丘公立而不撫鄆  
鄆叛而來故曰取然猶書莒滅鄆者譏在晉也以魯  
覲鄆世子于晉悼公列鄆人于會而莒卒滅鄆與向  
須句異矣鄭滅許吳滅徐楚人皆能繼而存之使列  
于諸侯可以中國而不如夷狄乎或用二傳之說謂

昭以前鄆未亡非也

宣九年秋取根牟

成六年春取鄆

襄十三年夏取鄆

以上取小國三傳曰鄆亂分為四師救鄆遂取之此  
所以不言伐趙伯循曰凡得國而不言滅者不絕其  
祀也案根牟鄆傳不言其故皆曰易也蓋以鄆與鄆  
推之

僖十七年夏滅項

以上滅小國者一夷而縣之故直曰滅先儒或謂內  
諱滅言取者誤矣滅不書月者閻伯主有事與莒滅  
鄆同不言師說在變文篇

夏外取我田邑言取雖我歸之亦言取諱易田  
言假

宣元年六月齊人取濟西田

昭二十五年十二月齊侯取鄆

哀八年夏齊人取謹及闡

以上外取我田邑者三禮國亡大縣邑公卿大夫士  
皆厭冠哭於大廟三日君不舉此取田邑所以必書  
于策濟西鄆皆言取者一為魯諱賂一見季孫據國  
叛君下言公至自齊居于鄆則齊取鄆以居公可見  
矣故皆書月以別於謹闡其書伐書取自從外伐取  
例見後篇

桓元年三月公會鄭伯于垂鄭伯以璧假許田



以上外以壁假田者一桓公篡位而修好于鄭卒易  
祊田許田多於祊故進壁以請史言壁假諱易許田  
也公羊傳曰諱取周田也許田本魯朝宿之邑在王  
畿之內故曰周田

莫外滅國必書不絕其祀言取迫之使服曰降  
移其民人社稷曰遷

莊十年冬十月齊師滅譚譚子奔莒 十三年夏六月  
齊人滅遂

僖二十五年春王正月丙午衛侯燬滅邢

襄六年秋莒人滅鄆 十年春公會晉侯宋公衛侯曹

伯莒子邾子滕子薛伯杞伯小邾子齊世子光會吳于

柤夏五月甲午遂滅偃陽

定四年夏四月庚辰蔡公孫姓帥師滅沈以沈子嘉歸

殺之 六年春王正月癸亥鄭游速帥師滅許以許男

斯歸

以上諸侯滅小國者七入春秋楚滅漢陽諸姬在齊

桓末伯前晉滅耿霍魏在桓伯後告命皆不及於魯  
故史不書而齊桓滅譚滅遂在經為滅國之始陳氏  
因謂不書晉楚滅國蔽罪於伯主其失與二傳均矣  
凡侵伐圍入有筆削者事有輕重也用兵之罪莫大  
於滅國者事不相蒙當各正其罪非筆削所加也凡  
滅國不日滅吾同宗之國則日會而遂滅日以其君  
歸日閒伯主有事而滅小國日凡滅國不言君奔者  
死於位也言以歸者服之也會而遂滅不言以歸略

之也諸異義皆非

宣十五年六月癸卯晉師滅赤狄潞氏以潞子嬰兒歸  
十六年春王正月晉人滅赤狄甲氏及留吁

襄六年十二月齊侯滅萊

昭十七年八月晉荀吳帥師滅陸渾之戎

以上中國滅夷狄者四萊姜姓子爵定十年傳謂萊  
人為裔夷之俘蓋東夷也凡滅夷狄雖君將不日以  
其君歸則日案昭二十年晉滅肥以肥子綿臯歸二

十一年滅鼓以鼓子馘鞮歸皆不書者鮮虞肥鼓皆白狄也嘗服屬於晉既而肥鼓皆叛晉屬鮮虞非赤狄潞氏甲氏之比故告命策書皆主伐鮮虞而不及肥鼓之滅其族微也

僖五年秋楚人滅弦弦子奔黃 十年春狄滅溫溫子奔衛 十二年夏楚人滅黃

文四年秋楚人滅江 五年秋楚人滅六

宣十二年冬十二月戊寅楚子滅蕭

昭四年秋七月楚子蔡侯陳侯許男頓子胡子沈子淮  
夷伐吳執齊慶封殺之遂滅賴 八年冬十月壬午楚  
師滅陳 十一年冬十一月丁酉楚師滅蔡執蔡世子  
有以歸用之 二十四年冬吳滅巢 三十年冬十二  
月吳滅徐徐子章羽奔楚

定十四年二月辛巳楚公子結陳公孫佗人帥師滅頓  
以頓子牂歸 十五年二月辛丑楚子滅胡以胡子豹  
歸

以上夷狄滅中國十三國畿內國一侯國二小國十  
吳楚本非夷狄以其國於蠻夷僭王猾夏遠而絕之  
故其初皆以號舉吳雖嘗稱爵然伐滅之事皆舉號  
徐本古之建國以其先嘗僭王故春秋狄之然天子  
既討其罪不絕其封則亦不可概以夷狄論也故見  
滅從中國例文十二年楚人圍巢杜註謂巢吳楚間  
小國成七年傳言吳始伐楚伐巢伐徐則巢自見圍  
後從楚也杜氏於圍巢傳註以為羣舒之屬於滅巢

註曰楚邑也皆誤劉氏曰巢伯爵國也本書序巢伯來朝故從中國例案定五年楚滅唐不書者唐微國久服於楚不得列於諸侯邲之役傳始見唐侯而經不書柏舉之役從蔡侯吳子伐楚以此見滅無為之告諸侯者故雖侯爵不得比蕭賴也興滅國繼絕世聖人蓋常言之苟見於策無不錄也凡夷狄滅中國小國不月近逼大國則月必大國而後日雖大國之附庸日狄滅溫書而晉滅虞虢不謚為變例之八說



見下篇

僖二十六年秋楚人滅夔以夔子歸

文十六年秋楚人秦人巴人滅庸

宣八年夏楚人滅舒蓼

成十七年冬楚人滅舒庸

襄二十五年秋楚屈建帥師滅舒鳩

昭十三年冬吳滅州來

以上蠻夷相滅者六成七年吳入州來傳曰蠻夷屬

於楚者吳盡取之則州來夷國也凡夷狄相滅不月  
詳畧之義著矣

僖三年夏徐人取舒

以上取國一義與內取國同

莊八年夏邾降于齊師 三十年秋七月齊人降鄆

以上降國二以兵迫之使服故不言取不絕其祀故  
不言滅

莊十年三月宋人遷宿

閔二年春王正月齊人遷陽

以上遷國二彊移其民人社稷於他處而取其地曰  
遷穀梁傳曰遷者猶未失其國家以往者也

莊元年冬齊師遷紀鄆鄆

以上以師遷人三邑一徙其民取其地也

是凡土功無不書都邑備制曰城不備制曰築

隱七年夏城中丘 九年夏城郎

桓五年夏城祝丘 十六年冬城向

莊二十九年冬城諸及防 三十二年春城小穀

僖二年春王正月城楚丘

文七年三月甲戌取須句遂城郛 十二年冬季孫行

父帥師城諸及郛

宣八年冬城平陽

成四年冬城郛 九年冬城中城

襄七年夏城費 十三年冬城防 十五年夏季孫宿

叔孫豹帥師城成郛 十九年冬城西郛 城武城

定六年冬城中城 十四年冬城莒父及霄 十五年  
冬城漆

哀三年夏季孫斯叔孫州仇帥師城啓陽 四年夏城  
西郭 五年春城毗 六年春城邾瑕

莊二十八年冬築郿

以上魯城邑二十一城中城二城西郭二城衛邑一  
築邑一中城杜氏以為魯邑宋儒本穀梁非外民之  
說以為魯國都城春秋二百四十餘年魯人無不修

築其國都城郭之理成城中城而後裏城西郭定城中城而後哀城西郭宋儒說是也小穀左氏以為管仲之邑宋儒以為魯邑本魯人孫明復之說以魯地有小穀而管仲所食乃齊之穀也據傳昭十一年申無宇曰齊桓公城穀而寘管仲則非魯人所城之小穀明矣城楚丘遷衛也凡伯主之令以內辭書故特月以別之春城者五夏城者七冬城者十五築者一城諸及防城諸及鄆在十二月繫事之下跨二時也

傳曰凡土功龍見而畢務戒事也火見而致用水昏  
正而裁日至而畢謂建戌之月角亢晨見東方畢農  
務而戒事心星晨見而致築作之物建亥之月定星  
昏中而樹板榦日南至而畢功蓋周家使民以時之  
制春秋之世魯人日不暇給不能及閒暇修其保障  
遇有外憂然後城要害以備難或為懼齊或為懼晉  
或備莒邾或帥師而城或彊家專邑而城之或爭外  
邑而城之故雖非時而不得顧雖得時亦不足稱也

然冬月興功為多而獨無書秋城者則猶不以盛暑  
農事方殷時勞民也左氏惟以書時書不時斷之可  
謂不揣其本而齊其末矣凡城必有郭郭樓櫓之制  
鄙下邑非要害制不備故曰築與築圉同凡會城皆  
別見

莊三十一年春築臺于郎 夏築臺于薛 秋築臺于  
秦

成十八年秋築鹿囿



昭九年冬築郎囿

定十三年夏築蛇淵囿

以上築臺者三築囿者三莊公一歲中三築臺成公  
盛暑築囿其縱欲勞民可知昭定擁虛器而築囿三  
家分魯而以此娛其君也策書實錄而鑒戒明矣  
莊元年秋築王姬之館于外

以上築館者一魯與齊為不共戴天之讎又喪未畢  
而主其昏王姬至魯久矣而齊侯有疑不敢親迎故

為築館于外比事考之則當時之情可見

夏浚川

莊九年冬浚洙

以上浚洙者一洙水在魯城北下合泗乾時戰敗故  
深之以備齊

夏九墮毀

定十二年夏叔孫州仇帥師墮郕  
季孫斯仲孫何忌

帥師墮費

文十六年秋毀泉臺

以上書墮邑者二毀臺者一觀上書園邱園費則墮  
二邑之故可見觀上書夫人薨則毀臺之故可見於  
毀泉臺見春秋用民力必書啖氏曰毀全除之也墮  
但損之令不周

阜新作門觀新廐

僖二十年春新作南門

定二年冬十月新作雉門及兩觀

莊二十九年春新延廐

以上門觀書新作者二廐書新者一言新見有舊言  
作見有加于前不言作者仍舊制也僖公改作南門  
不與諸門同雉門兩觀僭天子而不能革故皆書新  
作延廐壞而更之故言新不言作觀其所書之時則  
時不時可見傳曰凡啓塞從時杜氏謂門戶道橋謂  
之啓城郭牆塹謂之塞皆官民之開閉不可一日而  
闕故特隨壞時而治之僖公新作南門非治壞故傳

以土功之制譏之蓋左氏但知土功之不時而不知  
改作之非制經於雉門兩觀特書月異之也凡修舊  
不書楚宮宜書作而不書者史諱之也

百二十時田用夏時越禮則書

桓四年春正月公狩于郎

莊四年冬公及齊人狩于禚

以上書公狩者二傳曰春蒐夏苗秋獮冬狩此周制  
四時田獵之名也周書曰周公正三統之義作周月

至於敬授民時巡狩烝享猶自夏焉此田祭皆用夏時之證也杜氏曰傳曰鄭之有原圃猶秦之有具圃是諸國各有常狩之處魯狩地大野是也此田獵有常地之說也其禮既有常時其地又有常處故雖公狩不書即非常狩之地禋在齊境以越禮故書公羊傳曰春曰苗秋曰蒐冬曰狩常事不書此何以書遠也其時田之名雖言之不詳所謂常事不書實史法也自僖文而後歷五公蒐狩違禮皆不書者大夫專

國公不復知軍政時田得失無足議故雖違禮不書  
為變例之九

昭八年秋蒐于紅 十一年夏大蒐于比蒲 二十二  
年春大蒐于昌閭

定十三年夏大蒐于比蒲 十四年秋大蒐于比蒲

以上書蒐一書大蒐四蒐者春田之名周之春夏寅  
卯辰之月興之為得禮秋興之非禮也昭十一年五  
月齊歸薨而大蒐叔向聞而譏之曰魯公室其卑乎

君有大喪國不廢蒐國不忘君君不顧親能無卑乎  
殆其失國是時三家分魯假春蒐之禮以耀武示彊  
又與非時非地之蒐不同故悉書之定十四年比蒲  
之蒐經書邾子來會公則凡大蒐皆公在可見而不  
書公者師乘非復公有史不虛飾也

百三十一火田

桓七年春二月己亥焚咸丘

以上火田一杜氏曰譏盡物故書



百十三觀魚

隱五年春公矢魚于棠

以上觀魚一穀梁傳曰魚卑者之事也魚漁通杜訓  
矢為陳本傳言陳魚而觀之言陳漁人之事而觀之  
也公穀經作觀魚文異事同葉氏朱子訓矢為射本  
淮南時則訓季冬命漁師始漁天子親往射魚傳曰  
君舉必書於此可見策書之體

百十四大閱治兵異常

桓六年秋八月壬午大閱

莊八年春王正月甲午治兵

以上書大閱者一治兵者一周制天子因四時之田而教民以武事春曰振旅夏曰茆舍秋曰治兵冬曰大閱天子諸侯四時之田名既不異則教民以武事其禮亦同史所不書桓公以畏齊鄭之故大閱於建未之月莊公以事仇之故治兵於子丑之春與因田習武之義不同故特書之僖文以後凡閱治皆不書

義與時田同

百二十五軍制作舍

成元年三月作丘甲

以上書作丘甲者一周制四井為邑四邑為丘四丘為甸軍政起於井而成於甸故周官謂甸為乘其車人卒伍之數皆以甸為率也魯至成公以齊難故創制益兵遂毀甸賦而以丘賦與鄭子產作丘賦同故曰作丘甲不曰賦者其制以甲士為主也然損益之

數不可考矣

襄十一年春王正月作三軍

昭五年春王正月舍中軍

以上書作三軍者一舍中軍者一吳氏曰周制萬二千五百人為一軍大國三軍次國二軍小國一軍用衆之法無過家一人凡一成之地六十四井出賦公田外有五百一十二夫是為一旅之衆二十五成有二十五旅是為一軍之衆大國之地百成除二十五

成為大夫采邑等用其七十五成之衆即三軍也魯  
地方百里其初封之時有三軍後舍其一軍止有二  
軍作三軍者復舊制也然其時三家專國非有意於  
復舊也但借改作之名而分公室之民為私家之民  
分民既定則復舍中軍矣

百王加賦稅

宣十五年秋初稅畝

哀十二年春用田賦

以上書初稅畝者一用田賦者一通一井言之曰田  
去公田言之曰畝稅畝者以畝為率也古者井田之  
法十取其一雖曰井九百畝八家同養公田為九一  
而助然八家廬舍各二畝半於公田中取之已去二  
十畝故穀梁謂公田為居井竈蔥韭盡取焉家各私  
百畝公田十畝而已則其實亦十一也至宣公又履  
其私田之畝復十取其一故哀公曰二吾猶不足則  
十取二自宣公始也田賦者以田為賦也哀公時既

以二為不足故用一井之田為率以斂財物韋氏杜氏皆謂賦其馬牛蓋以古者賦與稅異也然韋氏本賈侍中云周制十六井賦戎馬一疋牛三頭一井之田而欲出十六井之賦陳氏亦謂使井出丘賦皆本左傳孔子云以丘亦足矣以丘對田為說杜氏謂上賦之法因其田財通出馬一疋牛三頭今欲別其田及家財各為一賦則是以田對財為說未知孰是但外傳又載孔子云先王制土籍田以力而砥其遠邇

賊里以入而量其有無任力以大而議其老幼其歲收田一井出稷禾秉芻缶米不過是也此與左傳自不同則當時加賦之制不可考矣

百毛分器失得

定八年冬盜竊寶玉大弓 九年夏得寶玉大弓

以上寶玉大弓書盜竊者一書得者一公羊傳曰國寶也喪之書得之書蘇子由曰寶玉大弓魯之分器也



百六 肆大眚

莊二十二年春王正月肆大眚

以上肆大眚一吳氏曰肆大眚則罪之不當赦者亦赦之也故書

百无書亂亡不由赴告

昭二十八年夏王室亂

僖十九年冬梁亡

以上王朝亂一國亡一不由赴告據昭二十二年傳

叔鞅歸言王室亂說見辭從主人篇

百字闕文

隱二年冬紀子帛莒子盟于密

程子曰闕文也春秋未有外大夫在諸侯上者

當日紀侯某伯莒子盟于密陳氏曰子帛裂繻字蓋杜氏意之學者遂以駁左氏誤矣

桓四年

闕秋冬

七年

闕秋冬以上併闕二時事

十四年夏五

闕月

字併所繫事來盟著例

不月知非止闕月字

十七年葬蔡桓侯

杜氏曰稱侯蓋謬誤

吳氏曰雖子男之君未有以謚配爵者或謂能請謚非也

莊二十四年冬郭公

昭十年

闕冬字

三十一年冬黑肱以濫來奔

闕邾字

定六年冬季孫斯仲孫忌帥師圍郕

何忌闕何字

十四年

闕冬字

以上闕文凡九處三傳同子曰吾猶及史之闕文也

蓋夫子平日之言史有闕文尚矣公羊傳曰在側者曰

子苟知之何以不革曰如爾所不知何以為修春秋時

語也春秋存策書之大體闕文不革示不唯無所損而

亦不能益故雖筆削時史而無嫌及其一筆一削萬變

不齊而所謂策書大體者自若故曰非聖人莫能修之

夏至日月差繆

隱元年王正月

長歷正月辛巳朔大衍歷正月辛亥朔大庚申冬至至程氏公說曰自三統至欽

天正月朔或辛亥或庚戌壬子視大衍歷前後差一日以傳五月辛丑十月庚申考之則正月朔非辛亥故杜預遷就以辛巳為朔若從辛巳則冬至不在正月意者差閏只在今年而杜氏考之不詳爾孔氏曰古歷十九年為一章章有七閏八章三年閏九月六年閏六月九年閏三月十一年閏十一月十四年閏八月十七年閏四月十九年閏十二月此據元首初章若於後漸積餘分大率三十二月則置閏不必恒同初章閏月僖五年正月辛亥朔日南至治歷者皆以彼為章首之歲杜為長歷置閏疏數無復定準凡為歷者閏前之月中氣在晦

閏後之月中氣在朔僖五年正月朔旦冬至則四年當  
閏十二月也杜長厯僖元年閏十一月五年閏十二月  
與常厯不同者杜以襄二十七年再失閏傳云司厯過  
昭二十年二月己丑日南至哀十二年十二月蝥云火  
猶西流司厯過則春秋之世厯法錯失所置閏月或先  
或後不與常同杜唯勘經傳上下日月以爲長厯若日  
月同者則數年不置閏月若日月不同須置閏乃同者  
則未滿三十二月頻置閏所以異於常厯故釋例云春  
秋日有頻月而食者有暉年不食者理不得一一如算  
以守恒數故厯無有不失也故當修經傳日月以考晦朔  
以推時驗未必得天蓋春秋當時之厯也今按長厯得  
失孔氏言之已詳據傳昭二十年二月日南至則冬至  
差一月在周厯不足爲異長厯於當時之厯未必  
必盡合然杜氏考經之志學者不可不知也

二年

八月庚辰

長厯八月壬寅朔無庚辰庚辰七月九  
日閏十一月大衍厯是年閏十一月

三

年王二月己巳日有食之 三月庚戌 四月辛卯

八月庚辰 十二月癸未

大衍歷二月己亥大三月己巳小日食庚戌在四月辛卯

在五月八月丙申大庚辰在九月十二月甲申大癸未  
在明年正月長歷己巳二月朔日食孔氏曰漢書律歷  
志載劉歆三統之術以為五月二十五分月之二十乃  
為一交以為交在望前朔則日食望則月食交在望後  
望則月食後月朔則日食交正在朔則日食既前後望  
不食交正在望則月食既前後朔不食日食者月掩之  
也日月之道互相出入或月在日表從外而入內或月  
在日裏從內而出外道有交錯故日食也朔則交會故  
食必在朔自隱元年盡哀二十七年積三千一百三十  
四月唯三十七食杜氏曰日月動物雖行度有丈量不  
能不小有盈縮故有雖交會而不食者或有頻交而食  
者今案二歷所考春秋日食多不入食限者由歷法有

踈密入食限而日月復不合者置閏不同故也

四年壬二月戊申

長歷戊申三月十七

日今案前年十二月有癸未則此年二月無戊申凡若此者明是史文差繆

五年

長歷閏十二月

大衍歷閏八月

六年五月辛酉

大衍歷五月庚辰大辛酉在六月

七年

長歷

閏十月二月

八年六月己亥

辛亥

七月庚午

九月辛

卯

大衍歷閏四月五月己亥小己亥辛亥在此月六月戊辰大庚午在此月八月丁卯大辛卯在此月

九年三月癸酉

庚辰

大衍歷三月甲午小癸酉庚辰在四月長歷是年閏十月

十一年七月壬午 十一月壬辰

大衍歷閏正月七月庚戌大壬午在八月

十一月戊申大壬辰在十二月

桓元年四月丁未

大衍歷四月丙子大丁未  
五月長歷是年閏十二月

二年

王正月戊申

四月戊申

長歷戊申五月十日大衍歷  
四月庚午大戊申在五月是

歲閏九月今案正月有戊  
申則四月不得有戊申

三年七月壬辰朔日有食

之既

大衍歷七月癸亥小  
八月壬辰大朔日食

五年正月甲戌

長歷正月  
甲申朔月

丙戌

己丑

大衍歷正月乙卯小己卯  
冬至己丑在二月閏六月

六年八月壬

午九月丁卯

大衍歷八月乙巳大壬午在九  
月九月乙亥小丁卯在十月

七年

二月己亥

大衍歷二月壬寅大己亥在  
三月長歷是年閏十二月

八年

大衍歷  
閏三月

九年五月丁丑

大衍歷五月乙未  
小丁丑在六月

十年王正月庚



申 大衍歷正月乙酉大乙己冬  
至庚申在二月閏十一月

十一年 長歷閏正月

十

二年六月壬寅

七月丁亥

大衍歷六月辛未大壬寅  
在七月七月辛丑小丁亥

在八月壬辰 長歷八月無壬辰  
辰在七月二十三日

十一月丙戌

十二月丁未

大衍歷十月乙己大丙戌在此  
月十一月己亥小丁未在此月

十三年

二月己巳

長歷閏正月二月無  
己巳大衍歷閏七月

十四年八月壬申

乙亥 十二月丁巳

大衍歷八月戊子大壬申乙亥在  
九月十二月丙戌大丁巳在十一

月朔及明年  
正月二日

十五年三月乙未

四月己巳

大衍歷三月乙

卯大乙未 在四月四月  
乙酉小己巳 在五月

十六年

大衍歷閏四月

十七年正

月丙辰

大衍歷正月乙亥小壬午冬至丙辰在二月

二月丙午

長歷丙午三月四日

今案五月有丙午六月有丁丑則二月不得有丙午

五月丙午 六月丁丑

八月癸巳

大衍歷五月癸酉小六月壬寅大丙午在六月丁丑在七月八月辛丑大癸巳在九月

十月朔日有食之

長歷十月庚午朔日食大衍歷十月庚子大十一月庚午小朔日食

十八年四月丙子

丁酉

長歷四月丁卯朔丙子十日丁酉五月朔大衍歷四

月丁酉大丙子在五月丁酉在六月

十二月己丑

大衍歷十二月癸巳大己丑在十一月二

十六

日

莊元年

長歷閏十月大衍歷閏正月

二年十二月乙酉

大衍歷十二月壬子

大月內  
無乙酉

三年

大衍歷閏九月

四年六月乙丑

大衍歷六月癸酉大乙丑

在此月長歷  
是年閏四月

六年

大衍歷閏五月

七年

長歷閏四月

八年王

正月甲午

十一月癸未

大衍歷正月壬子大己巳冬  
至甲午在二月十一月戊申

小癸未  
十二月

九年

長歷閏八月大  
衍歷閏三月

十一年

長歷閏三月大衍歷

閏十一月

十二年八月甲午

大衍歷八月丙辰  
小甲午在九月

十四年

長歷閏五月大  
衍歷閏八月

十七年

長歷閏六月大  
衍歷閏四月

十八年王

三月日有食之

長歷三月癸未朔不入食限大衍歷三月癸丑大四月癸未小五月壬子大日

食宋劉孝孫同沈氏括曰春秋日食三十六後世歷家推驗精者不過二十六本朝衛朴得三十五獨莊十八

年三月古今  
算不入食法

二十二年七月丙申

大衍歷七月戊午  
大雨申在八月閏

十月二十四年八月丁丑

戊寅

大衍歷八月丙午大  
丁丑戊寅在九月長

歷是年  
閏七月

二十五年

五月癸丑

六月辛未朔日有

食之

大衍歷五月壬申大六月壬寅小  
癸丑在六月閏月辛未大日食

二十八年王

三月甲寅

大衍歷二月丙辰大閏月丙戌小甲寅二  
十九日長歷是年閏三月甲寅三月晦日

二十九年

長歷閏  
一月

八月癸亥

大衍歷八月辛未  
大癸亥在九月

九

月庚午朔日有食之

大衍歷九月辛丑小  
十月庚午大日食

三十年八

月癸亥

九月庚午朔日有食之

大衍歷八月辛未大  
九月辛丑小癸亥在

此月十月庚午大日食閏  
十一月長歷是年閏二月

三十二年七月癸巳 八

月癸亥 十月己未

大衍歷七月庚申大八月庚寅小  
十月己丑小癸巳在八月癸亥在

九月己未在十一月  
長歷是年閏三月

閏元年六月辛酉

大衍歷六月乙酉大  
辛酉在七月閏八月

二年八月辛

丑

大衍歷八月戊申大辛丑  
在九月長歷是年閏五月

僖元年七月戊辰

十月壬午

大衍歷七月癸酉小戊  
辰在八月十月辛丑大

壬午在十一月  
長歷是年閏十一月

二年

大衍歷閏五月

五年

傳王正月辛  
亥朔日南至

大衍歷正月癸未小辛亥冬至二十九  
日閏月壬子大長歷是年閏十二月

七年

大衍歷閏九月

長曆閏十一月

八年

長曆是年又閏十一月

九年七月乙酉

長曆七月無乙

酉八月甲申朔乙酉二日

十年

大衍曆閏六月

十二年王三月庚午日

有食之

大衍曆三月辛未小五月庚午小日食長曆是年閏二月

十二月丁丑

長曆

十二月乙未朔丁丑十一月十二日大衍曆十二月丙申大丁丑十一月十一日

十三年

大衍

曆閏二月

十四年八月辛卯

大衍曆八月丁巳小辛卯在九月

十五年

五月日有食之

長曆五月壬子朔不入食限大衍曆四月癸丑大日食五月癸未小

九

月己卯晦

大衍曆九月辛巳小己卯晦在十月閏月庚申小

十七年

長曆閏十二月

十八年五月戊寅

大衍曆五月乙未大戊寅在六月

八月丁亥

長曆

八月癸巳朔丁亥在七月二十四日九月二十五日大衍歷閏七月甲子小丁亥在此月二十四日

十年五月乙巳大衍歷五月癸丑大乙巳在六月長歷是年閏二月二十一年

大衍歷閏四月二十四年長歷閏四月大二十五長歷

二月二十六年王正月己未大衍歷正月辛巳小壬寅冬至己未在二月閏九月

二十七年八月乙巳長歷八月無乙巳己巳九月六日大衍歷八月辛未大乙巳九

月五日二十九年大衍歷閏六月三十年長歷閏九月三十二

年四月己丑十二月己卯大衍歷閏二月乙巳小己丑在三月十二月庚子大己卯

在十一月三十三大衍歷三月己巳年四月辛巳大衍歷三月己巳癸巳小辛巳癸巳皆在

此月

文元年二月癸亥朔日有食之

大衍歷二月甲午小三  
月癸亥大日食長歷閏

三月傳曰於是閏三月非禮也孔氏曰漢書律歷志云  
文公元年距僖五年辛亥二十九歲是歲閏餘十三閏  
當在十一月後今三月己即置閏是嫌閏月太近前也  
杜以爲僖三十年閏九月文二年閏正月故言於歷法  
閏當在僖公末年誤於今年置閏嫌置  
閏太近後也大衍歷是年閏十二月  
二年王正月

甲子

丁丑

長歷閏正月大衍歷正月戊子大  
己丑冬至甲子丁丑皆在二月

四年

長歷閏三月大

六年閏月

長歷閏十二月程公說曰  
案歷法是年末應閏經書

衍歷閏八月

閏月則周閏  
有所移也

七年三月甲戌

四月戊子

大衍歷二  
月己未小



甲戌在此月四月戊午大閏月戊子小

八年八月戊申

長歷閏七月八月戊申晦

九月癸酉

長歷癸酉九月朔大衍歷九月甲辰小癸酉十月朔

十二年

長歷閏十一月

大衍歷閏十月

十三年五月壬午

十二月己丑

大衍歷五月壬午朔

大十一月庚辰小己丑在此月長歷五月壬午朔己丑十一月十日

十四年五月乙亥

大衍歷四月丁酉大乙亥在此月

十五年

大衍歷閏六月

十六年

長歷閏五月

十八年五月戊戌

六月癸酉

大衍歷閏二月四月甲申小戊戌在此月

五月癸丑大癸酉在此月

宣二年壬子

大衍歷正月甲辰小癸亥冬至壬子在此月閏十一月己巳小長歷

是年閏五月

三年十月丙戌

大衍歷九月甲子小丙戌在此月

四年六

月乙酉

大衍歷五月庚申大乙酉在此月

五年

大衍歷閏八月

六年

長歷閏五

月

八年七月甲子日有食之既

長歷七月乙未朔甲子三十日皆不入食

限大衍歷閏五月丁酉小十月甲子朔日食程公說曰長歷自僖十二年至文元年五年一閏者二四年一閏

者三失二閏焉又自文十六年至宣十年四年一閏者三又失一閏焉

九年九月辛酉

長歷辛酉在八月大衍歷八月庚申小辛酉在此月

十年四月丙辰日有食之

長歷四月丙辰朔是年又閏五月大衍歷四月丙辰大日食

十一年

大衍歷閏正月

十

二年六月乙卯

長歷閏五月大衍歷六月癸酉大乙卯在此月

十二月戊寅

長歷十二月己亥  
朔戊寅在十一月

十三年  
大衍歷閏九月

十五年  
長歷閏十一月

十六年  
大衍歷閏六月

十七年王正月丁未  
長歷丁未在大二月初四日

符歷正月丁丑小  
丁未二月二日

六月癸卯日有食之  
長歷六月癸卯朔大衍歷

五月乙亥朔日  
食六月甲辰大

成元年  
長歷閏三月大衍歷同

二年四月丙戌  
長歷丙戌在五月朔

八

月庚寅  
長歷九月甲申朔庚寅七日大衍歷八月丙辰小九月乙酉大庚寅六日

三年  
大衍

歷閏十一月  
四年三月壬申  
長歷壬申在二月是歲閏七月

六年  
大衍歷閏

七月  
七年八月戊辰  
大衍歷八月丁亥小戊辰在九月長歷是年閏八月

九年

大衍歷  
閏四月

七月丙子

長歷七月乙巳朔丙子在八月

十一月庚申

大衍

歷十一月甲戌小庚申在  
十月長歷是年閏十一月

十年五月丙午

傳六月丙午晉侯卒

長歷六月庚子朔丙午七日杜氏曰經有日  
無月大衍歷五月辛未小丙午六月七日

十二年

大衍歷  
閏正月

十四年十月庚寅

大衍歷十月乙巳大閏月乙亥大庚寅在此月長歷

是年閏  
七月

十七年九月辛丑

大衍歷閏六月庚寅小九月戊午大辛丑在八月

十一月壬申

十二月丁巳朔日有食之

傳十一月壬申聲伯

卒范氏曰据十二月丁巳朔十一月無壬申長歷壬申在十月五日是年閏十二月傳閏月乙卯晦十八年止

月甲申晦二月乙酉朔晉悼公即位大衍  
歷閏六月庚寅十一月丁巳朔日食

襄二年六月庚辰

傳七月庚辰鄭伯踰卒長歷閏四月  
經庚寅五月十九日六月無庚辰庚

辰七月九日大衍歷閏三月甲  
戌小六月壬寅大庚辰在七月

三年六月戊寅

長歷六月

丁酉朔七月丙寅朔戊  
寅十三日大衍歷同

四年壬三月己酉

傳三月陳  
成公卒長

歷三月無己酉大衍歷三月壬戌  
大己酉在二月是歲閏十二月

五年

長歷閏  
四月

七

年十月壬戌

大衍歷閏八月壬申大九月壬寅  
小壬戌在此月長歷是歲閏十月

九年

十二月己亥

傳十一月己亥同盟于戲十二月癸亥門  
其三門閏月戊寅濟于陰阪侵鄭杜氏曰

以長歷參校上下此年不得有閏月戊寅戊寅是十二月  
二十日疑閏月當為門五日五字上與門合為閏則後  
學者自然轉日為月長歷十一月庚寅朔己  
亥十日大衍歷十一月己丑大己亥在此月

十年五

月甲午

大衍歷閏四月丁亥小甲午  
在閏月長歷是年閏十一月

十一年

傳九月諸侯悉

師以復伐鄭甲戌晉趙武入盟鄭伯鄭子展出盟晉侯

十二月戊寅會於蕭魚杜氏曰經書秋史失之今案經

傳時月互異者不一或史即赴時書之或傳所據載籍

訛舛不與經合若諸侯之會無國不記故傳於此年之

事自四月己亥以後所書日月甚詳經書七月己未盟

于亳城北後有公至自會楚子鄭伯伐宋二事則諸侯

再伐鄭在九月經例不書月傳固與經不異鄭受伐乃

使良霄如楚諸侯觀兵鄭東門鄭人行成又晉鄭交泣

盟己不得復在九月況泣盟後始退師為蕭魚之會豈

復一月中事乎蓋下文冬字當在會于蕭魚上不知何

由致誤也

十三年

大衍歷閏正月

十五年

八月丁巳日

有食之

長歷七月丁巳朔  
日食大衍歷同

十一月癸亥

大衍歷閏十月  
月乙卯癸亥

在閏月

十六年三月戊寅

五月甲子

大衍歷二月癸丑小戊寅在此

月四月壬子大甲子在此月長歷是歲閏十月

十八年

大衍歷閏六月

十九年七

月辛卯

八月丙辰

大衍歷七月癸巳大八月癸亥小辛卯在六月丙辰在七月長歷是

年閏九月傳五月壬辰晦齊靈公卒杜氏曰光定位而後赴

二十一年十月庚辰

朔日有食之

大衍歷閏二月甲申小九月庚戌朔日食十月庚辰朔日在黃道角四度弱非食限

長歷是年

二十三年

大衍歷閏十二月

二十四年八月癸

己朔日有食之

大衍歷七月甲子朔日食八月癸巳朔日在黃道星二度弱非食限長歷是年

閏三月孔氏曰二十一年九月十月頻月日食此年七月八月頻月日食凡交前十五度交後十五度並是食

竟去交遠則日食漸少去交近則日食漸多正當交則日食既若前月在交初一度日食則至後月之朔猶在交之末皮未出食竟月行天既而後月復食無理今七月若前月日在交初二度以後則後月復食無理今七月日食既而八月又食於推步之術必無此理劉炫以為日月共盡一體日食少則月食多日食多則月食少日食盡則前後望月不食月食盡則前後朔日不食以其交道既不復相掩故也此與二十一年頻月日食理必不然疑古書歷世遙遠轉寫失真又曰戰國及秦歷紀全廢漢來測候天時始造其術劉歆以為五月二十三分月之二十五日一食空得食日而不得加時漢末會稽都尉劉洪作乾象歷始推月行遲疾求日食加時後代修之漸益微密推步日食莫不符合但無頻月食法故為歷者皆一百七十三日有餘而始一交會未有頻月食者漢書高祖即位三年十月十一月晦日頻食則日有頻食之理今案日月交會有常而積久不能無小變動



如歷家論日短景長日長景短日或失其常度則雖巧  
歷有不能盡其變者漢文帝三年十月晦十一月晦並  
日食是漢初三十年中頻食者再後此乃未有此固不  
可以常理推也孔氏於襄二十四年從劉炫之說以頻  
食為經文轉寫失真與隱三  
年正義自相違失杜注之旨  
二十五年八月己巳傳

七月己巳同盟于重丘長歷八月戊子朔無己巳  
大衍歷同今案六月有壬子則八月不得有己巳  
二

十六年傳三月甲寅朔長歷閏  
十二月大衍歷閏八月  
二十七年冬十二月

乙亥朔日有食之傳曰十一月乙亥朔日有食之辰在  
申司歷過也再失閏矣杜氏曰斗當

建戌而在申故知再失閏也若是十二月則為三失閏  
故知經誤文十一年三月甲子至今年七十一歲應有  
二十六閏今長歷推得二十四閏通計少再閏今案傳  
上書六月丁未朔至壬申七月戊寅至乙酉九月有庚

辰辛巳則乙亥為十一月朔長歷十一月乙亥朔日食大衍歷同

二十八年十二月

乙未

長歷十二月戊戌朔無乙未二十二日己未恐己誤作乙傳十二月乙亥朔誤大衍歷十二月己亥

小二十一日己未今案是月有甲寅則不得有乙未故劉氏以為當是閏月

二十九年

閏八月大衍歷閏五月

昭元年六月丁巳

大衍歷閏正月庚戌大五月戊申大丁巳在此月

十一月

己酉

長歷十一月乙亥朔己酉十二月六日傳十二月甲辰朔是年閏十二月

三年

四年

六年

長歷閏七月大衍歷閏六月

八年十月

壬午

大衍歷十月丙申小壬午在十一月長歷是年閏八月

九年

大衍歷閏三月

十

年七月戊子

長歷七月庚寅朔無戊子

十一年

大衍歷閏十二月

十二

年三月壬申

長歷是年閏正月三月無壬申

十三年四月

傳五月癸亥王縉于

辛尹申亥氏杜氏曰癸亥五月二十六日經書四月誤

十四年

大衍歷閏七月

十五

年六月丁巳朔日有食之

大衍歷五月丁巳大朔日食長歷是年閏九月

十

七年六月甲戌朔日有食之

大衍歷五月丙午朔大日食黃道婁四度閏月丙子

小六月乙巳大非食限甲戌九月朔

十八年

長歷閏正月

二十年

傳王二月日南

至三統歷正月己丑朔旦冬至杜氏曰是歲朔旦冬至之歲也時史失閏閏更在二月後故傳於二月記南至日以正歷也大衍歷正月辛酉小己丑冬至閏二月庚申小長歷是年閏八月與傳合

二十一

年七月壬申朔日有食之

大衍歷七月丙子小閏十月甲戌大十二月癸酉大朔日

食黃道箕

四度半強

二十二年冬十月

傳十一月乙酉王子猛卒杜氏曰乙酉在十一

月

十二月癸酉朔日有食之

長歷十一月小甲戌朔傳乙酉十二月己丑十

六日十二月大癸卯朔傳庚戌八日閏月癸酉朔傳辛

丑二十九日杜氏曰此月有庚戌又以長歷推校前後

當為癸卯朔書癸酉誤孔氏曰庚戌上去癸酉三十七

日若此月癸酉朔其月不得有庚戌又傳十二月下有

閏月辛丑辛丑是壬寅之前日二十三年傳曰正月壬

寅朔二師圍郊則辛丑是閏月之晦也又計明年正月

之朔與今年十二月中有一閏相去當為五十九日此

年十二月當為癸卯朔經書癸酉明是誤也大衍歷閏

十月甲

二十四年八月丁酉

大衍歷八月甲子小丁酉在九月今案五月朔

戊大

乙未則八月不得有丁酉長歷丁酉九月五日

二十五年九月己亥十月

戊辰

十一月己亥

大衍歷六月己丑小八月戊子小九月丁巳大十月丁亥小十一月

丙辰大己亥在八月戊辰在九月又己亥在十月長歷是年閏十二月

二十八年四月

丙戌

大衍歷閏三月癸酉小丙戌在閏月長歷是年閏五月

三十年六月庚辰

大衍歷五月庚申大庚辰在此月閏十二月丁巳小長歷是年閏五月

定元年

大衍歷閏八月

二年五月壬辰

大衍歷四月丁卯大戊辰在此月長歷是

年閏五月

四年

長歷閏七月大衍歷閏四月

七年

三統歷正月己巳朔冬至殷歷庚午

朔大衍歷正月庚子大己巳冬至閏月庚午小

八年

長歷閏二月

九年

大衍歷閏十月

十年

長歷閏六月

十二年十月癸亥

十一月丙寅朔

日有食之

大衍歷閏七月戊戌小九月丁酉小癸亥在此月十月丙寅大日食長歷是年閏十一月

十四年

長歷閏十二月

十五年二月辛丑

大衍歷正月甲申小辛亥冬至

辛丑在此月閏三月壬子大

五月辛亥

長歷五月辛亥朔大衍歷同

九月辛

已

長歷九月己酉朔無辛己辛己十月三日大衍歷同今案八月朔庚辰則九月不得有辛己

哀二年

長歷閏十一月大衍歷閏十一月

五年九月癸酉

大衍歷閏八月辛己小癸

百在閏月長歷是年閏十月

七年

長歷閏十二月

八年

大衍歷閏五月

十年

長歷閏五月

十一年

大衍歷閏正月

十二年十二月螽

傳仲尼曰火猶

西流司歷過也杜氏曰周十二月今十月是歲  
應置閏而失不置雖書十二月實今之九月

十三

年

大衍歷閏九月

十二月蝨

杜氏曰實十一月

十四年

長歷閏二月

以上長歷考春秋日月失三十六日朔三晦二其經  
傳上下所書日月有可證據者明是史文差繆日食  
不入限者四頻月食者二大衍歷失一百二十六日  
朔三日食不入限十七先一月者六先二月者二先  
三月者一先五月者一後一月者六閏月一頻月食  
者二杜氏據左氏傳屢譏周歷失閏是以長歷第前

却閏月求與春秋日月相符故所失少大衍歷自以三十二月閏率追筭不計與經合否故所失多東周歷法無傳矣劉歆所總六歷俱非古法也杜氏謂或用黃帝以來諸歷推經傳朔日皆不合所謂魯歷亦不與春秋相符疑來世好事者為之凡經傳有七百七十九日漢末宋仲子集七歷以考春秋魯歷得五百二十九失二百五十日是不與春秋相符也大衍歷合朔議曰春秋日食有甲乙者三十四殷歷魯歷




先一日者十三後一日者三周歷先一日者二十二  
先二日者九其偽可知矣然大衍歷視長歷朔每差  
一月亦有差二月者其日月得失本非所以釋經也  
傳除釋經日外別記三百一十六日長歷推無月者  
二其不合者六日而已是固不容以閏率議之但長  
歷視大衍歷少六閏自隱二年至宣十年三失閏自  
成末年至春秋之終復失三閏果若是四時寒暑皆  
當反易不但以申為戌而已恐周歷雖差未必如是

之繆案經傳有曠數年不書日者前後屢見之長厯  
於此既無所據豈能無失至言頓置兩閏以應天正  
則臆決尤甚故說者疑焉今姑取其所考日月以證  
史文之誤附于闕文後蓋三傳異師而日月之誤不  
殊有非筆削後轉寫失真者矣併及大衍厯者所以  
見周厯置閏無準致日月不與天合如傳所記日南  
至在二月則雖曰建子而實亥十一月火猶西流則  
雖曰建戌而實申也然孔子於十二月蝨嘗譏司厯

之過而春秋日食不書朔日乃獨致辨於交朔之不  
合者閏餘之失易見而交朔之繆難知易見者有不  
勝譏而難知者非驗諸日食則莫能得其正也春秋  
存策書之大體諸越禮亡法不待辨而明者皆有筆  
而無削譏之不可勝譏也述作有體要撥亂有先後  
周禮未亡文武之政布在方策春秋之義行君臣父  
子中國夷狄一反於正禮樂征伐自天子出修廢舉  
墜而已



春秋屬辭卷七



覆校官編修臣朱依魯  
校對官檢討臣王鍾健  
謄錄貢生臣李敬敏